

也，其更盡當在河平元年。自河平二年至河平四年當有一任都護，不詳其人名。

六、韓立 起成帝陽朔元年，訖於陽朔三年。（公元前二四—二二）

按漢書百官公卿表云：『陽朔三年，護西域騎都尉韓立子淵爲執金吾，五年坐選舉不實免。』按漢制西域都護均兼騎都尉，例如鄭吉、段會宗皆是也。公卿表作「護西域騎都尉」，恐有錯落，當云「西域都護騎都尉」，或「都護西域騎都尉」，落一都字。如所推論不誤，則韓立爲都護，當始於陽朔元年，而更盡於三年也。陽朔四年至鴻嘉二年，段會宗復任都護。自鴻嘉三年至永始四年，共六年，當有二都護，人名不詳。

七、郭舜 起成帝元延元年，訖於元延三年。（公元前二—一〇）

按漢書西域傳康居條云：『成帝時，康居遣子侍漢，貢獻，然自以絕遠，獨驕嫚不肯與諸國相望。都護郭舜數上言，宜歸其侍子。』按郭舜爲都護，僅見於此，然不言何年。段會宗傳贊叙於孫建之前，但孫建爲都護在平帝時，郭舜當在成帝時。通鑑目錄叙郭舜請絕康居事於成帝元延二年，則郭舜爲都護當在是時。據三年一更例下推，則郭舜爲都護當始於元延元年，更盡於元延三年也。徐松補注稱郭舜爲都護當在永始中，但亦無確據也。自成帝元延四年至哀帝元壽二年，共九年，當有二都護，史亦失名。

八、孫建 起於平帝元始元年，訖於元始三年。（公元一—三年）

按漢書烏孫傳云：『兩昆彌皆弱，卑爰寔侵陵，都護孫建襲殺之。』按但欽爲都護在元始四年，則孫建爲都護當起於元始元年，更盡於元始三年也。又按漢書百官公卿表：『元壽二年（當作二年）遷執金吾孫建爲右將軍，元始二年爲左將軍。』是在元壽中孫建已自西域還更，不應元始中尙在西域也。必有一誤。徐松謂孫建爲都護在哀帝建平中，但亦無確據也。

九、但欽 始於漢平帝元始四年，訖於王莽始建國五年。（公元四—一三）

按漢書西域傳車師條云：『元始中，都護但欽不以時救助，唐兜困急，怨欽。』據此是但欽爲都護在元始